

清代
禁燬書叢刊
第一輯

在魯齋文集

(下)

明·孔貞時撰

偉文圖書公司印行

明·孔貞時撰

在魯齋文集
(下)

偉文圖書出版社有限公司印行

印翻勿請・有所權版

號叁伍零第字業臺版局證記登准核局聞新院政行

清代禁燬書叢刊

在魯齋文集(下)

精裝二冊定價：新台幣 七〇〇、〇〇元
美金 一八、四四元

發行人：洪 清 泉

臺北市承德路五元巷六號二樓
電話：五九一三五一七

撰 者：孔 貞 時

發行所：偉文圖書出版社有限公司

信箱：臺北第六八一九八一號

電話：五九二二六八號(三線)

郵撥：第一〇四〇四三號

印刷所：東陞印刷有限公司

臺北市德昌街一八五巷四十七號

中華民國六十六年八月

(本書係中央圖書館所藏)

Published By Wei-Wen Books & Publishing Co., Ltd.

P. O. Box 68-981 Taipei, Taiwan, R. O. C.

Tel: 5941116-8



在魯齋文集卷之三

明江左太史孔貞時泰華父著 侄尚咸

弟太史貞運玉橫父閱 男尚豫全編

弟 貞會青城父較 侄尚乾

吳公澤文序

古潤吳公澤者才士也往余請沐時余姻家子徐生堯之與讀書三茅山余未逢公澤之面心知公澤矣讀其文想其人殆月中楊柳露下芙蓉一塵不罣鳳凰而僊者焉余於公澤每失之交臂迺今仲弟附公

澤起旦暮長安因得發笥中之秘而倒其藏也以視
三茅何如哉霏霏磬咳如出一聲而嚮所意爲月中
楊柳露下芙蓉信哉文章者情性之丰標也且文之
爲俗化遷也久矣叫噪者脂膩者巧利自雕者各叱
其奇以奇人人盡撫其奇奇之而余亦爲之目賊忽
不禁自折其矜銳今讀公澤近稅而余爽然自失也
其有功于斯道多矣

吳彥章西山遊紀小序

彥章負靈異才追古作者文章名海內亦旣足不朽矣而高情拔韵每風景縱觀不能已一巖一壑皆其絲竹清音也茲謁選金馬且賜尚方仙舄行矣還復作西山遊遊有紀有咏一入清眺盡具品題彥章故多勝情往往情與景會生居紫陽白嶽之勝今桐江富春又各獻其奇俟彥章車騎昔人觀朝榮臨清流覽蔓草悠然自得通於政事彥章顧燕吳越之奇而賏收之寧在乎山水之間而所得亦不獨文章也彥

本草綱目卷之二十一
章好遊乎它日當語我遊

天問畧小序

昔韋宗睹僣檀論議因嘆絕其奇以爲五經之外冠冕之表別自有人不必華宗夏士亦不必八索九丘旨哉斯言世固有奇文妙理發于咫聞之外者第吾人望步方內安睹所爲奇人而稱之予于西秦書初習之奇及進而求之乃知天地間預有此理西士發之東士睹之非西士之能奇而吾東士之未嘗究心也天問冊特其一端其言黃道似沈夢溪辯九道之說其言日蝕由月似王克太陰太陽之說其言月借

日光似張衡靈憲所什生鬼生明之說其言諸天似有出諸儒見解之外而又非佛氏三十三天之說者嗟乎遑代天官書唐史甚精以其多成于李淳風之手端門校著視它書楊藻揆天者愈也今西士以其畢世聰明求之于天而通以中國之書使攷測者乘之不大有裨助乎夫精如淳風而麟德之曆不能不爲太衍則叢殘積疇所繇然矣今之積差漸久緹穀不應而授時度事亦漸以不符正之宜蚤則有關於三辰四游者其書皆宜講求是書又不止攷測之助

已也于徒說其奇者何有

李立孺稿序

余於李氏伯仲世有通好聖從刻縣書余偶片言作
玄晏忽立孺相過從則又出一稿相示行懸之國門
矣立孺環瑋爽朗往來髮試邑間余輒奇之別二十
餘年而業益進名益燥其手出一冊見示十之一二
大抵以淹博之才運以已意機軸局陳悉由我造所
謂文字外別有一物以主之不必應規入矩而含毫
落紙之間迥然自異視世之以襲績故實爲有學以
雕繪語司爲鮮新而沾沾自喜者大相徑庭余每讀

李氏伯仲文而鼓掌曰有是哉文定公奕世文才見
於通德里門令人應接不暇者如此而視昔李氏兄
弟所號爲花萼集者聖從伯仲其殆過之聊爲短語
弁諸首

王非熊稿序

非熊擅才名髮未束盡讀墳典丘索書文章意氣具足千古制舉義其一班也讀之不落今唾亦不拾古粕博學明理成見在胸尋常人幾摹臨雕畫之不得非熊飄飄徑吐自然骨峻風邁氣祥采異別豎一壇宇記癸丑非熊卷出都人士握首咋舌閎然奇之是編也成應復如是雖然非熊豈故爲奇者天蒼蒼冥冥耳問誰鞭日問誰駕月匪鞭匪駕問誰轉轂則亦至奇矣麗於天者天所自轉天何言哉非熊學有元

本語無依附平奇平非熊何知知肖其故吾耳世人囿於所狎不得非熊所以奇而奇其所不奇噫今之譎奇倣詭者多矣

蘇伯潤自獵齋制義序

余之知蘇子也蓋於庚戌冬云十月之望與蘇子遊
後武夷於時幔亭來風天遊履霜三杯水樂步中宮
商賦詩酌酒具曰予聖誰知雌雄所知旣倦俛仰竊
歎二人者俱未脫於名場出先資以印證余亦磨厲
以相從蘇子謂余曰吾埋照鄉間獨居一室師墳友
藉吾多所涉覽鮮所置筆間有朋來邀之不置亦復
伸紙和墨無所藉匿筆不計其雌黃眼不詢其白黑
或有阿吾所好謂其脫象言之外超然自出於胸臆

蘇子曰疾徐爲苦實未愜於吾心豈可聽竿而題之以瑟我今日之所以示子固也錯諸家命副墨觀子暗中之模索若夫待豫章七年之後賞瑚璉東序之間矮人自可逢塲何羨乎欽風期於千里對青山而浮白怪奇哉余凝睇而卽得於是交無晚蚤信若膠漆閱辛及癸自南以北上對公車姓名相燭懸書國門互相指削吾傷有感於斯文將毋曰癸丑蘇生自獵齋艸孔中甫序大半是庚戌初冬所作